

三丰先生本傳

汪錫齡敬述

三丰先生姓張名通字君實先世爲江西龍虎山人故嘗自稱爲天師後裔祖父裕賢公學精星算南宋末知天下王氣將從北起遂攜本支眷屬徙遼陽懿州有子名居仁亦名昌字子安一字仲安號白山卽先生父也壯負奇器元太宗收召人才分三科取士子安赴試策論科入選然性素恬淡無仕宦情終其身於林下定宗丁未夏先生母林太夫人夢元鶴自海天飛來而誕先生時四月初九日子時也丰神奇異龜形鶴骨大耳圓睛五歲目染異疾積久漸昏其時有張雲菴者方外異人也住持碧落宮自號白雲禪老見先生奇之曰此子仙風道骨自非凡器

道藏輯要

三丰全集 傳攷記

八

續畢集七

但目遭魔障須拜貧道爲弟子了脫塵翳慧珠再朗卽送還太夫人許之遂投雲菴爲徒靜居半載而目漸明教習道經過目便曉有暇兼讀儒釋兩家之書隨手披閱會通其大意卽止忽忽七載太夫人念之雲菴亦不留遂拜辭歸家專究儒業中統元年舉茂才異等二年稱文學才識列名上聞以備擢用然非先生素志也因顯揚之故欲效毛廬江捧檄意耳至元甲子秋游燕京時方定鼎於燕詔令舊列文學才識者待用栖遲燕市聞望日隆始與平章政事廉公希憲識公異其才奏補中山博陵令遂之官政暇訪葛洪山相傳爲稚川修煉處因念一官蕭散頗同勾漏子豈不能似稚川越明年而丁艱矣又數月而報

憂矣先生遂絕仕進意奉諱歸遼陽終日哀毀覓山之高潔者
營厝甫畢制屐數載日誦洞經候有邱道人者叩門相訪劇談
玄理滿座風清洒然有方外之想道人既去因束裝出游田產
悉付族人囑代掃墓挈二行童相隨北燕趙東齊魯南韓魏往
來名山古剎吟咏閒觀且行且住如是者幾三十年均無所遇
乃西之秦隴挹太華之氣納太白之奇走褒斜度陳倉見寶雞
山澤幽邃而清乃就居焉中有三尖山三峯挺秀蒼潤可喜因
自號爲三丰居士延佑元年年六十七始入終南得遇火龍眞
人傳以大道更名玄素一名玄化合號玄玄子別號昆陽山居
四載功效寂然聞近斯道者必須法財兩用平生游訪兼頗好

道藏輯要

三丰全集 傳攷記

九

續畢集七

善囊篋殆空不覺淚下火龍怪之進告以故乃傳丹砂點化之
訣命出山修煉立辭恩師和光混俗者數年泰定甲子春南至
武當調神九載而道始成於是湘雲巴雨之間隱顯遨遊又十
餘歲乃於至正初由楚還遼陽省墓訖復之燕市公卿故交死
亡已盡矣遂之西山遇前邱道人談心話道促膝參同方知爲
長春先生符陽子也別後復至秦蜀由荆楚之吳越僑寓金陵
遇沈萬三傳以丹道事在至正十九年臨別先生預知萬三有
徙邊之禍囑曰東南王氣正盛當晤子於西南也仍還秦居寶
雞金臺觀九月二十日陽神出游土人楊軌山以先生辭世買
棺收殮臨窆之際柩有聲如雷啟視復生蓋其陽神出游樸厚

者見之以爲宛其死矣後乃攜軌山遯去又二年滄桑頓改海水重清元紀忽終明運又啟先生乃結菴於太和故爲瘋漢人曰爲邁還道人道士邱元靖安靜可喜秘收爲徒他曰入成都說蜀王椿入道不聽退還襄鄧間更莫測其蹤跡矣洪武十七年甲子太祖以華夷賓服詔求先生不赴十八年又強沈萬三敦請亦不赴蓋帝王自有道不可以金丹金液分人主勵精圖治之思古來方士釀禍皆因游仙入朝爲厲之階登聖眞者決不爲唐之葉法善宋之林靈素也前車可鑒矣二十五年乃遯入雲南適太祖徙萬三於海上緣此踐約來會同煉天元服食大藥明年成始之貴州平越福泉山朝眞禮斗候詔飛昇建文道藏輯要

三丰全集 傳攷記

十 續畢集七

元年完璞子訪先生於武當適從平越歸來相得甚歡永樂四年侍讀學士胡廣奏言先生深有道法廣具神通五年丁亥卽命胡濙等遍游天下訪之十年壬辰又命孫碧雲於武當建宮拜候並致書相請直逮十四年並不聞有蹤跡帝乃怒謂胡廣曰卿言張三丰蘊抱玄機胡弗敢來見朕也斥廣尋覓之廣大懼星夜抵武當焚香泣禱是年五月朔爲南極萬壽老君命諸仙及期大會時先生亦在詔中遂與玄天官屬御氣同行適見胡廣情切乃按雲車許以陛見入朝後卽赴上清之命飄然而去明年胡濙等還朝終未得見先生也吾師乎吾師乎其隱中之仙乎其仙中之神乎其神仙而天仙者乎繼荷

玉詔高會羣真位列兌宮身成乾體故能神通變化濟世度人
四圍上下虛空處處皆鸞驂所至將所謂深藏宏師廣大法門
者呂祖之後惟先生一身而已錫齡風塵俗吏幾忘法本原觀
察劍南又鮮仁政濫叨厚祿辜負

皇恩兩年來曦天少見水潦頻增齡乃跣足剪甲恭禱眉山之靈拈
香七日晴光普照書景遙開奇峯異水間幸遇先生鑒齡微忱
招齡入道並示丹經祕訣一章及捷要篇二卷照法修煉始識
立功因此悔入宦途游情山水適乃自出清奉結廬凌雲未知
何年何日蟬脫塵網採瑤花奉桃實敬獻先生也齡侍先生甚
久得悉先生原本又甚詳爰洗濁懷恭爲紀傳以付吾門嗣起
道藏輯要
三丰全集 傳放記
續畢集七
者

三丰先生傳

圓嶠外史

先生遼陽懿州人也名號屢更游行無定人多不測其踪劉秉
忠同師於前廉希憲薦劾於後至元間以宰官致仕洪武初年
太祖屢詔不出蓋其托仙遠遯以全仕元之節者也故嘗自稱
曰大元遺老又嘗自贊曰大元逸民君子深慨其神仙名重遂
至掩其孤忠耳平生訪道歷盡艱辛終南遇師之後覓侶求鉛
者足遍天涯乃於武當山修成大道所可異者先生未降世而
武當一席早爲安排昔希夷先生游太華遇異人孫君訪曰武
當九室巖深靜可居君後有徒孫更能發跡此山君光大張蓋